

梧州府志

卷之十八
134
211

卷之十八

列傳

孝行

忠義



梧州府志卷之十九

八九

人物志總序

列傳 孝行 忠義
隱逸 儒釋 附技 列女

空谷聞足音則喜東土以無佛稱尊求人才於邊
方炎徼之地或致嘆其孤芳之落落者而梧郡何
其盛也緬夫瑰竒靈淑代鍾偉人既足光垂典冊
榮益簪紳而特立獨行之士或以激昂矢志或以
悱惻敦倫卽巾幗輦輓亦具有烈丈夫風焉雖顯
晦托迹之不同而悅塵凡遺世俗要皆流徽之不
泯者明叅政曾守身云省志古今人物梧獨多至
三十九公夫寧惟是哉今紀其足傳者志人物

梧州府志

卷之十九 八總序

一



梧州府志卷之十八

人物志

列傳

列傳志鄉賢也考通志序列鄉賢以陳元爲首稱兩漢共得七人而蒼梧居其六可不謂特盛者歟三陳六士並以經術勲名一門競爽他如二李以直臣濟美二吳以亮節友于封氏之淵源家學王氏之科目蟬聯父子兄弟並登崇祠蔚然與府喆相輝映又何論金張藉業王謝烏衣矣例有名臣循史儒林文苑諸門茲得以列傳該之

梧州府志

卷之十八 列傳

二

漢

陳欽字子佚廣信人漢成帝時舉茂才爲五經博士欽治左氏春秋事黎陽賈護與劉歆同時而各自名家哀帝時歆典校經籍欲立左氏學帝令與博士講論其義諸儒不肯置對歆移書太常博士讓之惟欽議與歆合三輔決錄謂左氏春秋遠在蒼梧蓋指欽也元始間仕至厭難將軍

陳元欽子字長孫少傳父業覃思訓誥至不與鄉里通建武初元與桓譚杜林鄭興俱爲學者所宗時議欲立左氏傳博士范升奏左氏淺末不宜立

元上疏極斥升小辨破言小言破道升等又引先帝不以左氏爲經故不置博士後主所宜因襲爲言元上書辨益力帝卒立左氏學太常選博士四人元爲第一帝以元新進忿爭乃用其次司隸從事李封元以才高著名辟司空李通府時大司農江馮上言宜令司隸校尉督察三公事下三府元上疏人君患在自驕不患驕臣失在自任不在任人陛下宜修文武之聖典襲祖宗之遺德勞心下士屈節待賢誠不宜使有司有察公輔之名帝從之李通罷復辟司徒歐陽歛府數陳事帝不能用

以病去卒於家祀鄉賢子堅卿世其業以文章名按舊志通志欽卽見元傳中本漢書也欽以經術起家在西漢時已有名列序郡志例得列爲傳首又魏濬西事珥云元荒陬索士能用經術崛起與東觀諸儒頡頏諸名宿不能屈漢世表章經學網羅道廣野無伏賢殊令人可想也

申朔字元游蒼梧廣信人性廉慎常著布襦鄉人士宗之舉孝廉爲九真都尉征賊有功民頌其德陸蔭爲廣州刺史著先賢傳綜其績紀焉祀鄉賢鄧盛字伯直蒼梧廣信人漢穉歸令居喪盡孝太

尉馬日磾嘉其行辟府主簿尋爲太尉諸曹掾彭
城相左尚以贓敗三府拷驗踰年不竟盛至解尚
械賜席謂曰君受國厚恩而坐事如此今遇君子
不可以小人相待尚感之對曰使君相待如此尚
獨何心不以死相歸乎卽引筆具狀時人語曰一
問得竟臯陶鄧盛公卿而下皆禮重之祀鄉賢
士燮字威彥蒼梧廣信人其先汝陽人王莽亂避
地交州六世至燮父賜桓帝時爲日南太守燮少
遊京師事潁川劉子奇治左氏春秋及公穀爲公
羊穀梁註其書與賈逵何休范甯并見漢藝文志

梧州府志

卷之十八

列傳

四

隋經籍志嘉平中舉孝廉補尚書郎尋免居父喪
闕除巫山令遷交趾太守謙恭下士避難者多依
之陳國袁徽與尚書令荀彧書曰交趾士府君處
大亂中保郡二十餘年羈旅之徒皆蒙其慶官事
小闕輒玩習書傳吾數咨左氏諸疑皆有師說又
尚書兼通古今大義詳備今欲條左氏尚書長義
上之其見稱如此遷交趾時值張津死獻帝賜燮
璽書曰交州絕域南帶江海上恩不宜下義壅隔
表又遣賴恭闕看南土今以燮爲綏南中郎將督
七郡領交趾太守如故是時天下久亂燮貢職不

廢復拜安遠將軍龍渡亭侯建安十五年孫權遣
步騭爲交州刺史加燮左將軍建安末燮遣子廞
入質權以爲武昌太守諸子在南者皆拜中郎將
後遷燮衛將軍封龍編侯在郡四十餘年士人往
依者千數雖竇融保河西無以過之卒年九十
士壹燮弟初爲郡督郵刺史丁宮徵還壹侍宮勤
恪宮感之謂曰若待罪三公當相辟也後宮爲司
徒辟壹比至宮已免黃琬代爲司徒甚禮遇之時
琬爲董卓所忌而壹盡心於琬卓惡之乃署教曰
司徒椽士壹不得除用故歷年不遷會卓入關壹

梧州府志

卷之十八 列傳

五

亡歸鄉里交州刺史朱符爲獒賊所殺燮表壹領
合浦太守次弟黼領九真武領南海兄弟並爲列
郡一時貴重百蠻震服壹與兄燮並祀鄉賢
士廞燮子仕吳爲武昌太守精敏有能自賜至廞
父子兄弟並以威信著名南土出入車騎滿道夷
人夾轂焚香者常數千人並祀鄉賢

李賢蒼梧廣信人吳孫權時刺史融州志操清白
卓有異政罷官歸檢篋中惟圖書舊服民思慕之
按吳時未置融州疑有誤因舊志相仍存疑

唐

李堯臣鍾澤人貞觀初第進士賜其里門曰登俊
累官至交州刺史有異政

祀鄉賢

宋

陳坦然梧州人博學有膽氣然諾不苟當機權變
敏捷景德中舉進士未賜第歸值宜州兵殺守帥
脅判官盧成均以叛偽稱南平王擁衆攻象州坦
然以成均同郡單騎行賊壘射書陳禍福曰君佐
郡不能撫衆以及於亂乃甘心偽號提烏合剽劫
天朝帶甲如林取狂寇如薙草耳奈何不慮及從
人入湯鑊耶初象城無備將陷城均得書故緩攻

梧州府志

卷之十八

列傳

六

而王師至城賴以全賊人遣別部分掠趨容境所
至推陷坦然語容守陳延賞曰賊勢慄悍難以力
競願抵賊營諭以逆順遂詣賊壘曰天朝正朔被
四海而輦嘯聚不祥有詔誅首惡而輦能改圖蒙
上賞何草間求活耶賊中陳賈二帥率首領詣郡
降賊平大將以狀聞有旨令遣赴闕賜袍帶不受
願就殿試許之隨以艱歸起補吳川簿調餘杭擢
漳浦令佐桂州幕時借禁卒五百伐材修守具會
郡帥燕客俄告卒譟各相顧色沮帥曰亟閉關以
虎翼五百擒之坦然屏人語曰急之則挺而走險

適以堅其叛耳亟趨撫諸卒責王者苛事得解排
難息紛大率類此任至太子贊善大夫殿中丞
陳熙韶曰坦然一經生耳單騎諭賊何偉也卒
之城得以完而賊亦解射書聊城又一見矣至
呼吸而戢譟兵宵中已具百萬世廟朝邊兵譟
相望與夫吾廣甲子柘林之役豈盡兵之罪哉
急則挺而走險余聞諸坦然矣

馮京字當世藤縣人父式爲商僑居江夏壯歲無
嗣買妾得一女子問所自知爲官累賠償式惻然
亟還其父不索直反歸數月而妻有娠里人夢鼓

吹送狀元至馮所遂生京京少雋邁不群鄉舉禮
部廷對皆第一時未娶張堯佐負官掖勢欲妻以
女力辭出守將作監丞後試知制誥避婦翁富弼
當國嫌拜龍圖待制知揚州以翰林學士召還知
開封府數月不詣丞相府韓琦語弼以京爲傲弼
使往見京曰公爲宰相從官不妄造請乃所以爲
公重非傲也出安撫陝西請城古渭以斷夏人右
臂除端明殿學士知太原府神宗立復爲翰林學
士改御史中丞王安石爲政京極論其更張失當
進參知政事數與安石論辨爲呂惠卿所譖罷知

亳州徙知成都府蕃部何丹方寇雞宗關聞京兵至詣降議者欲蕩其巢京請於朝禁侵掠給稼器餉糧食使之歸夷人喜受盟帝一夕呼左右曰適夢馮京入朝甚慰人意乃賜京詔有渴想議形不忘夢寐之語哲宗立范祖禹言京再執政初與王安石不合後爲呂惠卿所傾其中立不倚之操爲先帝稱重乃以爲中太乙宮使兼侍講改宣徽南院使拜太子少師致仕紹聖元年薨謚曰文簡著文集奏議三十卷

按京本宜山又因父常寓鐔津後人遂建文簡

梧州府志

卷之十八 列傳

八

公祠三元書院於故居史籍江夏舊郡志亦列流寓而邑志則確謂藤人明月之珠夜光之璧人爭寶之况如文簡公之科名事業傑然特起者哉藤與宜皆粵地也舊牘相沿不能去其籍並志之俾都人士知所觀感云

李用謙藤縣人自幼警敏博通經典登紹興五年進士爲秘書郎兼崇正殿說書歷侍御史左司諫皆有直名上時政十六事深切利病後官國子監祭酒學行爲世所宗卒贈銀青光祿大夫
李奉政用謙從子博學能文登紹興二十一年進

士嘗上書言金人有入寇之志不見用出知戎城
縣尋知和州疏論科舉事又論割棄唐鄧海泗四
州與金人和非是累官翰林學士國子監祭酒與
用謙並名重一時

元

封履孫字道坦容縣人至順元年進士延祐初授
藤州學正還知邕州時方擾亂履孫蒞政廉明民
獲安堵未幾解綬歸值賊犯里中民罹兵燹失所
履孫多方周恤鄉黨宗族咸被其德子盛甫自幼
穎悟淹貫善古文辭能紹父學天歷中任宥州青

梧州府志

卷之十八 列傳

九

水司巡檢不畏權勢獎率善良士民德之後以艱
歸隱詩酒自娛著有容州人材記父子並祀鄉賢
熊天錫岑溪人博學多才文譽藉甚當宋淳寶時
賈似道秉政天錫喟然曰非士君子行道之秋也
乃放浪山水以詩酒自樂迨至元時始出應試一
舉登進士第仕有政聲

明

王維道容縣人登洪武間進士令黃岡學問該博
政事廉明涖任六年廢修墜舉累官叅政請告居
家褻躬範俗一稟先程弟維輿領鄉書官刑部主

事清慎明允獄無冤滯晉本部員外郎以親老乞歸謝一切干謁卒與兄維道並祀鄉賢曾孫希仲希淵俱售鄉科容邑明初科第自王氏始先是維道之祖王念九元至正間明經也奉詔例就近銓授本州同知廉介自持元末世亂引疾歸田好善積德厥後科目蟬聯蓋由念九之培植孔厚云

魏垣藤縣人洪武四年進士改授戶刑二部主事調桂林通判持身謹厚和易近民有善政聞於時楊寧遠容縣人舉洪武己卯鄉薦署興寧教諭擢員外郎參議安南冰蘖自持雅有廉名累官浙江

梧州府志

卷之十八 列傳

十

參政解綬歸惟課子孫不事干謁梧中制科推楊氏蓋有自焉祀鄉賢

陳汝器字用之容縣人洪武中以人材科授本州訓導陶淑有方士多造就知州王清薦其賢累官福建按察僉事

莫敬山蒼梧人洪武中以明經司訓蒼梧博學善誘掖有治才以卓異累官河南參政祀鄉賢

徐子善梧州人永樂中以太學生知保昌縣政崇簡易不尚刑刻修學校課農桑恤鰥寡利民之事

咸竭力爲之

通志載廣東名宦志

李素字崇文蒼梧人永樂間進士以給事中使
陞改令贛縣秩滿民詣闕乞留者二千人復任尋
改番禺縣民戴之若贛擢光祿卿

龔篔蒼梧人永樂甲申進士授嘉定知縣卓有能
聲擢兵部郎中以老成見推歷陞廣東布政司參
政

廖士能字國卿岑溪人永樂十八年舉人知宣城
縣遠讒佞革吏弊修塘堰簡詞訟政令不擾境內
藉以樂生既去宜人思之不忘尋陞吉安通判祀
鄉賢

梧州府志

卷之十八 列傳

十一

李觀智字克明蒼梧人永樂二十一年鄉薦入太
學授都察院司務母年八十有八智疏分俸爲養
擢廣東分巡嶺西道清遠盜發捕戮之德威並著
景泰四年廣西寇起督撫王翱以智諳土俗委智
撫諭大藤五屯龍山諸寇次第降附子廷麟廷鳳
廷彪咸領鄉薦

傅惟宗字肇本藤縣人幼警敏嗜學工詩文嘗從
解縉游永樂間領鄉薦司訓茶陵多所造就性恬
淡不樂仕進年二十有四遂辭歸以授徒著述自
娛與弟惟慶最相友愛凡族人婚嫁咸周給之都

御史韓雍甚見禮焉祀鄉賢

周鼎岑溪人永樂辛卯舉人初任南京大理評事尋轉北京兩任刑官多所平反民以不冤稱官至山東副使

莫彥僕懷集人永樂歲貢操履清慎涖政嚴明官至饒州司馬

廖時英藤縣人永樂間歲貢學問該博制行端方任儀部郎居官清慎爲時所重

黃賢相藤縣人永樂間入太學後擢監察御史數言時政稱旨加褒賞

梧州府志

卷之十八 列傳

三

李奉蒼梧人舉宣德賢書倅鎮江馬政愍償馬之苦曲爲調劑以蘇民困時郡水災力請減租十之四民甚德焉擢徽州丞請疏改折運米三萬石秩滿士民留之竟奪於權貴免歸優游家食淡如也後寇陷梧城民荼毒幾徧奉故無恙人稱其德足以格盜云

阮敬蒼梧人舉宣德鄉書任太僕丞以直諫調平樂丞韓襄毅開府梧州威名藉甚敬謁以禮不少屈襄毅壯之薦其能擢郎署服官雖久貧窶如初梁潔岑溪人舉宣德鄉書丞普安州器局凝重才

敏精敏從征安南有功擢守雲南多善政一時稱之

羽尚忠岑溪人宣德間歲貢任漢中推官補任潮州府刑名慎獄無冤滯

羅寧岑溪人宣德間歲貢任交趾義寧州同知廉慎有爲民彞懷服

黎暹蒼梧人景泰元年領鄉書任桂林府丞性豁達多智清介有氣節初韓襄毅至桂誅指揮宋英百僚震懾有司時見或至免冠暹獨不屈雍器重之愈以冰蘖自持以疾歸行李蕭然

梧州府志

卷之十八 列傳

三

萬顯字世舉藤縣人領景泰元年鄉薦司訓封川敏達多謀畧時地方寇起韓襄毅疏顯有保障才擢知封川殫心撫禦政事脩舉民至今頌焉

程暄字汝玉藤縣人博學能文尤工書法景泰間應貢入胄監嘗以文章見稱歷事南臺咸見器重成化改元中丞高某薦補臺中力辭不就其恬退如此選武緣縣知縣調石城所在皆有善政人懷其德

伍璣字子玉容縣人舉景泰鄉書判福建鹽運司尋知靖州剛介自持興廢墜除多士翕然向

風以忤當道去民甚惜之

梁繼本字顯宗蒼梧人領天順三年鄉薦判池州府耿介不避權勢解官去甘貧約不事干謁鄉評重之

傅鑑藤縣人舉天順鄉書第一知欽州調靖州操守冰蘖各著惠政尤善庭訓三子皆領鄉薦著有藤縣志祀鄉賢又專祀赤水鎮解元書院

徐容藤縣人舉天順賢書司訓興寧殫心造士恬退有守庭訓四子二孫皆登鄉書祀鄉賢

萬祥藤縣人舉成化進士官御史江西僉憲明允

梧州府志

卷之十八 列傳

十四

激揚有聞於時識喻漢於童年禮劉節於落魄稱爲知人祀鄉賢

吳廷舉字獻臣蒼梧人成化丁未進士初令廣東

順德毀淫祠刊家禮導民喪祭冠婚存贍鰥寡孤獨冰蘖自持有強項風鄒智謫石城往來順德與廷舉交最善智卒廷舉爲治喪具時方伯劉大夏雅器重之兩廣都御史屠某見廷舉溫語曰邑大璫屬我繕修家廟敢勤從者謝曰令非舊例新恩一夫不敢役一錢不敢用也市舶太監出金市葛故事與葛而還之金廷舉市二葛示太監曰中度

市之太監怒取金去御史汪宗器亦惡公曰彼固
抗上市能者欲中之會廷舉毀淫祠以材飾學宮
賢館御史按其直罪廷舉囚服梏手對簿士民泣
訴廷舉無私盜狀御史大慚釋之及屠某八爲冢
宰遷廷舉佐外郡同知成都以憂回復改松江滯
郡縣二十餘年疏請修軍政擢廣東兵備僉事討
平十三村池水諸盜改鹽法兼屯田轉右叅政尋
兵備瓊州疏解省帑非正費及便宜諸事劾陳鶴
買藥不法又疏鎮守太監潘忠二十罪忤劉瑾逮
繫詔獄拷掠無得誣以枉道還鄉枷吏部前十二

日不死戍鴈門赦歸瑾誅起雲南兵備陞江西右
叅政劾學使李夢陽爲強臣肆奸狀姚源賊據崑
亂督臣不能制兵屢劾廷舉與副使胡世寧謀往
撫之爲賊所留劫以威不動久之識賊中機要因
誘勁賊執其酋以出復討平之陞廣東布政使湖
南饑陞右副都御史往賑所至皆有治績可紀疏
上六事其請陰備寧濠之變咸中機宜濠懼移書
太宰陸完急去孫遂另推一都御史來必不可用
吳廷舉所謂汲黯寢淮南之謀殆有過焉嘉靖初
召爲兵部侍郎僅數日忤劾輔臣改南京工部引

疾乞休不許因南畿災又上勸學脩政遠佞親賢
疏溫旨褒留改南京戶部晉右御史巡撫應天諸
處折豪強植貧弱禁私役疏鹽糧太監橫索耗米
夙嘉一清拜南工部尚書致政歸疏中有引張詠
幸得太平無一事江南閒煞老尚書之句得旨吳
廷舉詞涉侮慢准致仕去蓋公嘗以議禮疏乞調
張桂於邊方是時張桂已用事故不能久立於朝
歸築東湖書院以教梓里時年六十四居二年卒貧
不能殮兩廣都御史姚鏌賻之始成禮焉隆慶初
追贈太子少保賜祭葬謚清惠祀鄉賢所著有東

湖集行世公身長而瘠面如削灰衣敝帶穿神采
英發志識雄偉言行必信談天下事奮不顧身上
書頻危而節彌厲朝夕不謀晏如也官四十年以
剛介不旬月於朝崔文敏謂公貞才潔履厚行足
力黃文裕謂渾身是膽皮囊是智洵不誣已弟廷
弼亦以規矩自飭有氣節載老傳

陳熙韶曰劉忠宣宏才亮節一代名臣知獻臣
最早而獻臣謂憂民如有病對客似無官忠宣
足當之也豈非豪傑知豪傑乎假令獻臣當世
廟朝未遂邱壑業不在忠宣下沒世易名得揚

清惠豈爾時方正難容雖有溫旨亦不能留歟
吳勤懷集人成化丁酉鄉薦知四會縣事學富才
優政明行謹義嚴取與志篤林泉

甘思召蒼梧人成化十六年舉人知大庾縣廉介
寡欲平易近民致仕歸蕭如也尚書吳獻臣表其
墓曰處有儒者之風出有循良之績歸有善退之
名

申端字廷晃容縣人舉成化鄉書幼孤性孝友過
目成誦以穎異聞弱冠舉南宮知增城縣植弱鋤
強百廢俱舉擢吉安府丞未赴卒增人老稚哀泣

如喪所親扶櫬至容者數十輩

蒙惠蒼梧人登宏治進士知新興縣巡阡陌勸農
桑興學校以勵髦士士民懷之累官興化府知府
石邦柱字安國蒼梧人宏治壬戌進士少以奇童
稱令南海尋改蕭縣緩刑薄征有盜王浩者健猾
莫可得邦柱設法擒之遷知柳州時猺與流賊間
比爲亂邦柱撫諭猺民使各安業賊勢孤發兵往
捕多所斬獲以忤當道移丞長沙清王府侵田擒
巴陵巨盜徐紹等陞南京戶部郎丁憂起補工部
郎忤逆瑾出守瑞州值歲饑分僚四賑民賴全活

尋引疾歸建龍泉書院及田以淑後學年八十六
鄉人營景賢祠祀之崇祀鄉賢

陳祿懷集下郭人少穎異結茅夜讀聞水神呼進
士宏治庚戌果登第分符劇縣擢比部主事轉郎
中出守撫州值宸濠之變設策相機與王文成共
圖剿逆後謝政家居疎財仗義造言舍訓士鄉人
德之

何士麟字肇周蒼梧人舉宏治進士性至孝父寢
病籲天請代知將樂縣有政聲徵戶部主事

楊霖字宗悅藤縣人宏治二年舉鄉書知德慶州

梧州府志

卷之十八

列傳

六

遇事勇敢不避權勢嘗劾管糧主事及改用鎮守
太監時論偉之祀鄉賢

石瓏字美中蒼梧人領宏治鄉書性至孝以母老
不欲遠違授靈山教諭九載左遷南通州訓導尋
陞國子學正出知宿松縣殫心惠民有冰蘖聲弟
瓚領鄉書仕有惠政

喻江字潮之藤縣人宏治五年舉人授浙江餘杭
知縣調奉化舊鎮守市舶以和買土物爲名誅求
甚急江爲報罷約已裕民凡相告許誨諭而遣之
所莅兩邑歷四考施澤於民最久稱循良焉監

致去思祀名宦

梁文岑溪人宏治間歲貢居鄉孝友以道自重見人卽教以孝弟初司訓於蜀尋陞貴州教授刊孝經小學等書嘉惠後學鄉人愛敬之

莫禎懷集人宏治壬子鄉薦授祁門教諭才識茂敏士咸欽之尋丁外艱厥施未竟而終

喻漢字宗之號桂泉藤縣人以儒士發解正德戊戌成進士一時知名之士無不願與之交初授行人擢御史清戎中州有獲盜功擢浙江副憲以卓異聞七膺薦剡轉江右副憲與李崕峒友善尋命

梧州府志

卷之十八

列傳

十九

提督廣東學政未任卒漢所至執法嚴明冰蘖矢操卒時殮具不給猶取充於服御云漢兄弟四人江淮河並舉鄉書江爲浙江兩邑循吏詳本傳正德間河爲大理府通判治理河自乘舟探淺處卓木爲城以草障瀾疏洩之奏績著爲令三年一濬郡民德之與江漢俱祀鄉賢

李喬木字惟遷蒼梧人舉正德二年鄉書司理潮州治獄明允擒歸善縣思田二州石現盤古等寇督撫王文成薦爲南寧同知歷官工部員外郎楊喬蒼梧人舉正德鄉書分衡陽服官清苦改南

雄教諭著有靜觀錄學道堂稿吳清惠極爲稱賞
霍榮字時秀藤縣人舉正德二年鄉書娶瞽婦廬
親墓後陽江令清介自持士民德之乞休家居屏
跡公庭置義田以卹族人祀鄉賢

劉存仁懷集人正德乙卯領鄉薦知武陵縣有卓
異才保民蕩寇百廢俱興三載丁內艱還里課士
勸農賑饑周乏興起孝弟邑人奉爲楷模

何鳴鳳字如岐懷集人正德庚午歲貢初丞潮州
捕盜有功民德而祀之遷零都令尋歸厚德懿行
里人無不敬信焉

龍璿容縣人正德五年以吏員丞博羅時洪溪諸
洞賊構亂璿主捕詰單騎詣賊砦視狀賊驚曰是
將不利於我迺堅壁鼓譟以恐之璿諭以禍福賊
開門迎降自後無敢肆掠者又嘗主催科一無所
私卒官無以爲歸計

覃德玉容縣人本所千戶幼善騎射諳達軍務正
德間妖賊李通寶作亂德玉捕斬之嗣以征永安
西融功陞授指揮僉事嘉靖間剿七山征黑四多
出奇謀遠邇膽落鄉人立廟祀之

劉日乾字體易蒼梧人嘉靖丙戌進士善真草書

初授廷評擢通政叅議慷慨仗義竟以讞獄持正去官

馮承芳字世立號桂山蒼梧人其先自桂林移居學問博洽才識明敏登嘉靖癸未進士授工部主事河決昌平震驚陵寢上怒甚議處部堂以承芳廉慎素著得褫職歸林下十餘年起擢戶部員外郎所著有靜觀錄桂山吟稿

陳乾藤縣人天資穎異十歲善屬文母病疽乾日夕泣禱推已田以給諸弟一無所私嘉靖辛卯舉於鄉宰通山清慎自持以病歸士民思之

梧州府志

卷之十八

列傳

三

陳統字道傳懷集人嘉靖甲午舉於鄉授從化訓導遷閩縣教諭性醇雅嚴條教造就人士甚多尋轉寧化令愛民如子以病歸好學不輟有古人風楊表字子儀滕縣人嘉靖壬子鄉薦令如臯左遷潮州教授因行役偶爲海寇過天星所劫臨以威武公不爲動飲噉如常寇憚公量且懈爲防遂誘巨魁爲反間因得脫尋陞瓊州別駕瓊產甚饒公一無所取晉守南安遂致仕歸家居十餘年蕭然壁立簡淡率真蓋稟於天性云

梁壯懷集人由明經丞南海歷署南海三水從化

縣事政寬平所至與士夫講求民瘼興利除弊值
攢造請免絕戶數千口民多頌之然鯁直以事忤
上官挂冠歸隆慶間尚書潘思銘其墓

楊繼文字獻國容縣人領嘉靖戊午鄉書初合海
豐轉判武昌守沔陽州皆有惠政所至以廉吏稱
晉瓊州丞招降巨魁卒祀名宦

楊際熙字惺中容縣人嘉靖戊午鄉薦合松滋地
故濱江際熙築堤障捍邑人賴之召入拜御史居
南臺直言敢諫不避權貴萬歷初通行錢法松江
豪強倡市井無賴及饑民撓命勢甚猖獗公疏之

梧州府志

卷之十八

列傳

三

曰朝廷恤饑民不宥亂民稱旨辛巳兩畿大察上
屬公疏別淑慝不憚大吏忌者中之遷雲南僉憲
以終養歸杜門三十餘年一以廉退範俗禮讓維
風郡邑大夫咸欽重之際會字仕遇際熙弟性敏
好學萬歷丁丑進士知六安州尋以兄際熙巡按
上江循例調潁州有巨豪武斷會置之法郡人稱
快晉戶部郎出守饒州時樂平饑民嘯聚煽亂際
會單車諭散其黨發粟賑之遷閩臬尋叅楚藩卒
於官祀名宦允京際熙子登鄉魁合溫縣廉介有
父風時稱楊氏世家

李廣圍懷集梁村人嘉靖戊午鄉薦廉介禔躬淳
龐範俗任廣東普寧知縣愛民如子稱循良焉
李叢字德馨蒼梧人以歲薦司訓雒容秩滿貧不
能赴部歸設帳教讀環堵蕭然年高德劭郡守咸
禮重之年八十五卒

聶清字希白蒼梧人由歲薦官樂會訓導性剛介
不諧於俗甘貧力學灌園食力晏如也及卒喪不
能舉郡守賻其葬

郭應翰號義所懷集人萬歷癸酉鄉薦初任感恩
教諭聘江西同考所拔多名士陞襄陽令興水利

梧州府志

卷之十八

列傳

三

修學宮革羨耗繕城垣漢江患寇應翰率兵進剿
寇宵遁襄民德之陳情終養居鄉三十六年屢膺
賓筵正直公平王彥方陳仲弓之流也祀襄陽名
宦

胡如孟字鄒甫領萬歷四年鄉薦授興濟諭陞顛
縣補新興知縣剛廉敏達廣訓士子德政四閩以
父憂歸家尤工書翰晉接後學談經析義孜孜不
倦受其裁成者甚衆

王好善字瑞榴領萬歷十三年鄉薦任廣東香山
縣知縣潔已愛民不期月左遷行李蕭然香人致

思立祠勒石以識

秦煒字俊明容縣人以貢監合黃安耿直狷介恥媚上官邑嘗饑疫道殣滿目煒捐俸請賑活三萬餘命尋以上官苛索不應左遷歸迨子時懋成進士公年益高德益劭優游林下人以地行仙目之陳堯典字闢荒蒼梧人早孤家貧力學登萬歷癸卯鄉書選於潛令治尚簡靜有循良風遷廣州別駕署增城有惠政遷韶州江防丞滇江故多盜堯典禁約嚴肅盜不敢犯三院交薦其才擢宗人經歷丁內艱服闋晉戶部員外郎出理河西稅務還京轉郎中陞敘州知府敘故饒沃而事多阻撓堯典操持潔白人不敢干以私秩滿轉長蘆鹽運使時軍需孔急力清弊孔悉完宿逋卒爲豪商中傷罷歸

梧州府志

卷之十八

列傳

二十七

阮悉懷集人萬歷辛卯鄉薦初宰英德調粵都所在著有政績從吉州郭子章講學當道交薦邑人建祠祀之再遷雷州別駕化洽政平桂符斂跡建義倉置學田署徐聞敘州篆民皆立去思碑致政歸奉母龍氏年九十有七終

梁允玳懷集人由明經任上海丞革去糧長贄見

銀八百兩申奏一切運糧赴京陋規并華亭青浦
三邑列欸於直指使者革之歲節省數千金會以
憂歸遂決志養母不復仕進與弟允環友李文煥
怡情山水以終

杜良材字喬宇蒼梧人幼奇穎年十二爲弟子員
博綜經史屢中副榜由歲薦授貴縣教諭課藝興
行後棄官歸里清操挺特後學多所裁成當時名
士皆執經受業文章行誼爲邑人矜式

袁崇煥字元素藤縣人萬歷丙午舉於鄉己未成
進士授邵武知縣累官兵部尚書督師薊遼爲人

梧州府志

卷之十八

列傳

五

慷慨負膽略好談兵遇老校退卒輒與論塞上事
具曉阨塞情形督遼邊功最著死非其辜事詳明
史本傳中

曾以誠字惟豫蒼梧人性孝友甘清苦讀書博涉
萬歷歲薦授平樂訓導以造就人才爲已任選諸
生英俊者闢別館處之分俸資其膏火程士先德
行後文藝講業課文寒暑不輟一生素無學行歲
試列優等當食餼白督學竟不准餼以是人知砥
礪五年遷象州學正造士一如平樂致仕卒諸生
遠來致祭其感人如此

袁時亨懷集人以歲貢任教諭優於學問湛深經術孫國祥戊午舉人任保寧同知監軍具經緯之才助績懋著能世其家

林應高字虛衷懷集人選舉爲龍溪縣丞操行廉潔守正不阿歸休村居孜孜積善鄉閭仰者德焉徐應坤懷集人萬歷間選貢性廉直孝友官嘉定州判歷隸爲令除積弊興學校邑人德之宦歸寔甚守道徐大儀知其賢分俸以贈力辭不受其廉介如此祀鄉賢

盧傲麟懷集人天啓辛酉副榜奉母盡孝母病衣

梧州府志

卷之十八

列傳

美

不解帶躬親嘗藥戊午歲饑麟率鄰里入鄉告糶遇羣賊欲要奪之麟挺身籲訴賊曰善人也遂釋之連月賑糶民得全活崇禎間以子際泰官刑部員外誥封如其官子孫蕃衍葢其餘慶云

梁方圖懷集人年十六而孤廬墓三年事母莫氏極孝崇禎間以明經歷任教職講學不倦督學黃景明日吾道在子矣俗多停柩數十年不葬方圖力白上官一時出葬者以萬計未幾兵亂人咸感之兼攝太平學篆俗尚火葬復刊家禮四訓約要以教民皆感化焉致仕歸年八十四卒著有五經

要旨忠孝廉節等傳祀鄉賢

國朝

曾士揚蒼梧人賦性聰穎過目不忘年十八天啓甲子舉於鄉後遂恬退林泉潛心程朱之學訓迪後進雖燕居必盛服端坐嘗謂欲學聖者當先主敬隆冬酷暑手不停披郡志邑乘纂輯尤備邑人請祀鄉賢

李茂字天毓岑溪人崇禎己卯鄉薦績學能文恬退不仕尤喜吟詠康熙十三年滇逆變亂茂鼓勵鄉勇殺其僞總兵陳士龍民賴以安後逆踞岑茂

梧州府志

卷之十八

列傳

七

被執憤恨而死邑人請祀鄉賢

廖標字君如岑溪人崇禎壬午舉於鄉有孝行居憂三年不茹葷酒邑苦饑饉標力請於官并捐米作粥以賑活者甚衆時鬱北變亂鄰邑避兵者多徙食其家有被難莫能歸者標給以米并爲雨具送之還里有龐氏女者兵掠至岑標代贖還其父陰德類如此邑人請祀鄉賢

以上舊府志

高熊徵字渭南岑溪人順治庚子副榜康熙十三年吳逆構亂孫廷齡據廣西遠近震動僞總兵陳士龍據岑溪熊徵與邑人李茂鼓勵鄉勇斬士龍

復岑溪奉調從征擒其僞將所至有功十七年
大將軍傅宏烈恢復梧州署熊徵團練同知十八
年補桂林府教授旋調思明興學勸士兩地文風
爲之不變三十九年陞井陘知縣會廣西巡撫彭
鵬至知熊徵守城破賊事特疏薦之遂超擢兩浙
鹽運使在官多惠政四十五年卒於官所著有鄧
雪齋集六卷孝經刊誤一卷小學分節二卷安南
志畧一卷崇祀鄉賢

梁鵬懷集人方圖第五子性聰慧九歲能文順治
二年選貢登康熙癸卯賢書會聘修省志居家孝

梧州府志

卷之十八

列傳

天

友訓型族黨後任屏山知縣清慎自矢陳言五事
民咸戴之後歸休林下好吟詠著有真愚草鯤姪
殿栢同舉於鄉聘修省志生平好善樂施置地瘞
客死買藥濟疫民康熙間任江陰知縣仁慈廉潔
民受其惠致仕歸隱於冲天巖祀江陰明宦

鄧尊德字崇禮懷集人志行清潔以博學稱康熙
戊子舉於鄉嘗設義塾修廢址捐貲創建不少客
惜雍正元年邑人公舉孝廉方正辭不就選任虎
龍知縣綽有政績年六十卒於官

何輔世容縣人弱冠舉於鄉康熙丙申筮仕會寧

縣令時關中旱蝗已七年世下車爲文禱於天甘
雨立降蝗皆僵斃歲久饑諸生多就食遠方督學
按臨不及應試例除名者數十人世力爲申請補
試駁覆數四卒獲允致仕家居縣令奉檄採買糧
米飭平價購糴而令畏其難欲按戶派辦以世爲
邑人望私餽白金三百爲壽世笑曰是謂吾非丈
夫矣謝之去聚徒講學就而請業者戶外履滿卒
年七十有二

封安邦容縣人弱冠補弟子員有文名以選貢蒞
恭城教諭隨援病乞休家居不事產業而善爲周

梧州府志

卷之十八

列傳

三

卹康熙間邑歲歉主者以常平倉穀屢遭賠累堅
杜稱貸邦致書借賑一以身任存活甚衆先是寇
掠波里六王村殺大洞巡檢余鑲匿其印懼剿糾
結將肆屠掠奔踞東門南山有司聞賊方張大恐
遣人諭以解散保無他虞賊曰此給我耳封某長
者願得一言爲信邦至責以大義且以利害切諭
之賊遂歸巡檢司即散去上官知其賢任教諭時
禮遇異常員及告歸恭城士子多相從受業聞其
卒千里致賻焉

黎元植懷集人雍正癸卯鄉薦性恬澹不樂仕進

居鄉開義館以興文教爲已任造舟利涉建雲潮
茶亭人重其義鄉里有爭訟者質於元植一言辨
曲直無不立解者至今稱爲陳元方云

扈國幹容縣人兄國榮舉明經幹性好學不就試
家居訓課子弟一門雍穆嘗云先世邊疆久無安
土今得守分爲良民以食太平之福不已多乎里
中或有乖忤得幹一言立解古老村民積三十年
無一詞入公門者乾隆甲子舉行鄉飲酒禮學博
朱昌燮上其名時幹年七十宴飲日正值其誕辰
人謂敦行之報已上俱
縣志

梧州府志

卷之十八

列傳

三

補載各縣志列傳

通志舊府
志俱未錄

張廷瑤號鳳齋懷集人萬曆辛巳選貢歷任潯州
司訓天河教諭辰州教授士立景仰之碑家守明
倫之訓

莫魯號省庵懷集人選貢初授肇慶學訓遷雷州
教授李志戴其學贍詞宏士林瞻仰

尹志蒼梧人嘉靖乙卯賢書廉靜博學工隸篆屢
上春官不第選縣令不樂簿書而歸著有三吳雜
記吳越遊草

廖坤英蒼梧人萬曆甲午賢書志氣高邁才識明

敏任羅定學學正遷尋甸別駕署府事會土酋鳳
凌霄叛攻破維摩乘勝圍彌勒英率郡兵救之賊
偽退數十里復至圍尋甸英搜城固守遣人赴省
請援一面嚴扃積薪爲殉節計會援至圍解危城
得保

賴尚忠蒼梧人萬曆歲薦入太學勵精學問練習
政務初丞湘陰慈惠勤恪擢雲南嶧峨令撫治得
宜致仕二十餘年屢登鄉飲賓席壽八十有八

李華先字胤熙蒼梧人爲邑弟子以孝聞天啟間
司訓南寧選士之俊父者闢館以教之多所成就

梧州府志

卷之十八 列傳

三

秩滿致仕屢膺賓席

謝崇恩岑溪西鄉人正德間歲貢任徐聞縣知縣
有善政懿行重於鄉閭

以上前明七人載在縣志而通志舊府志俱未
登載以縣志後出故耶今觀各傳雖無卓然表
異之處要皆文行之重於一邑者未便軼遺謹
補錄之

各邑公舉文行優嘉者共得十人并附列傳之後

關爲寅

字欽山號澹園蒼梧人領康熙庚午科鄉

薦少奇穎博通羣書工詩賦文詞性至孝
親死不飲酒不茹葷廬墓三年與弟極相友愛制
志鄂贈以礪行敦倫四字并有聯芳自昔推雙

到大被於今識二關之句雍正年間為茶山院長成就十屬人材甚眾後與弟為寧同舉孝廉皆不就生平樂易好施立義倉以濟鄉里割稅田以贍族人創橋施藥善無不為誠一邑之翹楚也著有欽山筆籟詩文一簿傳後

羅洪疇字次岳蒼梧人康熙辛卯科舉人事母以孝鞠兩姪以慈舌耕餬口任永福縣教諭生平砥礪廉隅工詩文手不釋卷邑人重之

易醇字公厚蒼梧人登康熙癸巳賢書性醇謹至孝親死不事浮圖惟崇家禮嘗以道義自持兩試同考歷任江南積溪石隸蒙城諸縣居官清苦剔弊興利撫治得宜民咸賴之致仕十餘年屢登鄉飲賓席年七十餘而終

李世瑞字非凡號月菴蒼梧長行人康熙四十一年歲貢少孤奉母孝家貧嗜學博通羣書以勤儉成家生平樂善好施建宗祠置義田以贍族人立義學社學以興文教設義渡以濟行旅拾

梧州府志

卷之十八

列傳

三

田於各廟寺以奉香火又賑粥救饑施藥救病善無不為著有天文四卷詩文一卷集驗醫案一卷皆梓行選脩仁縣教諭辭不就以壽終子孫繁衍人稱積善之報

曾熹字達明號璞齋蒼梧人領乾隆庚子鄉薦家省循禮順色友愛於弟人無間言數上公車不第卒於京後同邑孝廉李朝楷扶柩而歸人咸悲之著有四書秘旨時藝吟咏以傳於後

梁廷貞蒼梧人乾隆辛酉科鄉薦少孤母高氏賢而不知書親督課讀貞能力學承歡母病衣不解帶兄弟友愛兩兄相繼亡貞撫孤成立生平篤於交誼癸未下第抱病卒於京師親知聞之有走千里來京經理其喪者扶柩以歸邑人無不悲之

高輯岑溪人字子寧號澹園運使熊徵第三子康熙年間選貢初任陽朔教諭陞任汲縣必陽縣知縣居家以孝友稱官蹟著於汲必博學能文章亦通志所著三江考等篇至今膾炙人口

有考古便覽一篇
兩漢文鈔二卷

鍾朝朗

字亮佐號勤齋岑溪上化鄉人康熙庚子

舉人在陝西白水縣知縣四載以疾歸天
性孝友荒年借貸設文瀾會著冬頭賠亡及倉穀
論等篇得以詳革夙弊邑人賴之在任禮士保民
興利革弊有去思碑及
去思錄一編不著政績

鍾大器

懷集人生員父早故母李氏多疾躬侍湯

藥三十餘年未嘗離左右及母故喪畢建
祠設父母像朔望事之如生乾隆十一
年同學共舉學使官旌曰鳩鳥鍾瑞

陳洪範

懷集人武生母年二十一而寡範率舅氏

五年學使張以
孝行可風旌其門

人物志

孝行

漢

丁密字靖公岑溪人性清介耕而食織而衣量腹
度形惟力是視餽贈一無所受而事親備孝養之
禮遭父喪廬墓三年有雙鳧飛集墓旁小池見人
馴伏後喪母廬墓雙鳧復至南齊永明中范雲爲
刺史遣使祭密及頓琦墓崇祀鄉賢祠

舊志按岑志載丁蘭字密歸義鄉人少喪母不
及養乃刻木肖母事之如生出面反告凡事必

梧州府志

卷之十八 孝行

三

稟命而後行一日鄰人張叔妻假物於蘭妻稟
像不憚叔妻以針刺像流血蘭出其妻仇殺叔
有司執之像爲垂淚有司聞而釋之其至誠通
神明格木石如此後以孝廉辟爲河內令官至
太平府知府立祠和尚港今岑溪故居并城北
皆有專祠云云查一統志則丁蘭係河南野王
人夫野王之蘭與岑溪之密似實爲兩人者若
以蘭易密又強以其名而字之訛謬甚矣或亦
密之孝人以方蘭故有丁蘭之稱而村遂以之
得名耶又按廣輿記丁郎山注云孝子丁郎故

居在其下獨省志載丁蘭山卽蝴蝶山卽蘭
相似卽誤讀蘭未可知也世遠無可核亦姑列
之以備考云詳見岑令孫士恂辨疑
按丁孝子蘭與密顯係兩人不必深辨卽以音
誤爲蘭省志旣改丁蘭山爲丁郎山而於丁蘭
村之名猶未免仍訛耳

頓琦字孝異蒼梧人居母喪哀毀幾滅性獨身負
土闋年成墳手植松杉有飛鳧白鳩棲息廬側見
人輒去見琦則留祀鄉賢并孝悌祠

明

梧州府志

卷之十八

孝行

三

楊宜字均政蒼梧人永樂二年進士授翰林院庶
吉士出知宜興縣廉靜有爲利興弊革民愛戴之
母病篤籲天祈以身代卒以孝名

甘思忠字秉直蒼梧人性純篤孝事其母人咸均
聞母病歸母卒廬墓三年將窆又有虎啣一豕委
於穴以去總兵毛銳親詣塋所視之以爲孝感所
致聞陳白沙講學往從之與吳清惠友善尤精兵
畧都御史林廷選薦授藤縣丞祀忠孝祠

吳廷弼字盡臣侍郎廷舉弟也宏治辛酉舉孝廉
少從廷舉學以節義相規及廷舉爲廣東副使坐

劾中貴人詔侵劉瑾被逮廷弼聞之追及嶺借至
京廷舉既下錦衣獄禁勿通飲食廷弼著舉人衣
冠携蔬飯泣詣獄門飲食之瑾矯詔枷廷舉吏部
前廷弼日操飯飯廷舉夜則卧其下如是者九日
刑部主事宿進見而憤甚曰二吳一死何用生爲
卽上書白廷舉冤家宰張綵以爲言瑾乃釋枷論
戍雁門廷弼負廷舉詣都督府領戍牒汗與淚交
墮見者莫不感嘆廷舉示以詩有顛危九死過蘇
軾患難相扶賴子由之句後廷弼會試卒於道梁
景行爲撰友于傳以紀其事

梧州府志

卷之十八 孝行

三

黃聚字朝會藤縣人宏治進士歷官大理評事寺
正性廉慎讞獄明允純孝之行信於族黨親疾嘗
便溺侍奉疴癢無不至居喪廬墓哀泣盡禮歿祀
鄉賢

黎良字以時蒼梧人正德庚午與兄震同舉於鄉
任龍溪令震司訓翁源夫婦皆卒官署遺子女各
二成在齠齒良撫育備至比長爲之婚嫁過於所
生弟兌癸酉舉人爲徐聞令罷官歸貧甚良惟竹
屋數椽割以居之兌夫婦亦相繼卒良皆殯塋如
禮良明敏好學以書籍自娛不問家人生產幸之

日幾不能殮鄉人咸重之所著有蒲谷日纂

余全藤縣人父玠爲邑宰母李氏全弱冠籍諸生有孝行峽寇鄭昂作亂劫掠至藤執全母去全傾資追贖寇益索賄無厭全恐母終不能脫乃謂寇曰家有藏金母慮我年少游冶不告其處縱母歸當盡取以來以身爲質賊信之久而不至詰責全全乃瞋目大叱曰咄我給汝耳吾家故廉吏安得有藏金賊怒遂殺之時年二十藤人皆爲之揮淚祀鄉賢

陳乾字健之藤縣人天姿穎異十載通詩書能文

梧州府志

卷之十八 孝行

三

章母病疽躬自拂拭毒久不得淨日以口吮之父所遺產悉推與諸弟嘉靖辛卯領鄉書任通山知縣清慎自持以病歸

黎琳藤縣人天性謹厚尤以孝弟爲本母病三載琳朝夕侍床第未嘗一刻離推遺產以讓兄兄死復育其孤姪嘉靖初由歲薦歷官兩淮鹽運使廉潔自矢任六載歸不減寒素有負郭田數頃歲入輒以分恤族黨士林益稱其賢

李獻忠蒼梧人嘉靖間歲薦丞茶陵州以清謹著性孝友甫冠時父介文昌卒於官獻忠扶視還哀

毀骨立幾不能起既葬廬墓側後居祖母喪母喪
一如居父喪時永康程文德主嶺表書院從之遊
甚見禮焉

陳九鼎容縣人父璋任光祿監事病亟思肉汁九
鼎割左股作羹以進終夜稽顙禱於天顙破血流
被面數日父果愈直指廉知其狀特旌獎之

潘明臣容縣人事父以孝聞補邑諸生樂志林泉
性恬退教子五人俱成立以子日新封潮陽郡丞
孫肇科復登賢書所稱廉於取名而豐於食報明
臣有焉

梧州府志

卷之十八

孝行

三

羅奇杰懷集邑庠生少孤事母至孝每雞鳴入省
必冠服立床下長跪問安否而後退母善病奇杰
躬視湯藥寢食俱忘凡浣衣滌器皆身親之母卒
年九十三奇杰號泣有逾孺慕廬墓三載未嘗一
日離前後憲司屢行嘉獎崇禎時直指李仲能表
其居曰孝行可風

國朝

朱子慶蒼梧人郡庠生母司氏病狂醫藥罔效子
慶禱以身代割股以救母病獲痊後以壽終廵按
田公總制于公並旌以額

蘇遠敷遠瞻容縣人天性純摯略於俗情世居邑東門父先卒值明季兵燹兄弟侍孀母牛氏携幼妹播遷無寧日然供母罔闕甘旨時得其歡心母卒以寇亂草葬

國朝定鼎兄弟謀改厝敷登都嶠中峰伐木爲槨失足墜崖下幾百丈竟無恙人咸異之兄弟年各逾六旬始議分產時敷四子瞻一子議五分其產敷曰此我兄弟事何與兒輩若五分之是私吾子矣卒二分之敷雅愛後進凡遇好學者待如其兒姪多方成就兼留心典故邑中遺跡多取記錄其孫

梧州府志

卷之十八 孝行

三

五常搜羅容邑志多本於公兄弟壽皆八十餘以孝友文學世其家

李翼泰蒼梧人孝友性成父病藥餌必親晝夜不離已丑避兵母老不能行背負而逃兄弟十人稱其孝友一無間言

高輔字佐卿世居岑溪歸義鄉謝村事父孝父啓和充練總有田在永業又其鄉戶頭也康熙十三年吳逆變亂土鎮四起啓和領練兵往征輔隨侍左右每接敵以身捍矢石鼓勇破逆有功十八年流賊潛聚搖山剽掠永業耕丁驚走啓和往安撫

輔隨行回至中途遇賊輔慮父年老恐不能脫卽負父越嶮而逃賊追跌傷膝忍痛輕捷如飛父得無恙比歸視傷痛處則血淋漓骨已碎不復能起立矣有南海洗憲朝者遊岑訓蒙以餽其口輔子常從學焉洗後久羈旅來往鄉村間竟客死無所歸輔收塋於本鄉丁郎村後命子築墳立碑以記每寒食授衣掃墓奠酒勿替鄉里咸重之其孝尤著至今稱高孝子云

覃石長懷集人康熙己未歲虎噬人至數百其母竇氏亦爲所攫石長追虎奮擊虎棄去復回顧石

梧州府志

卷之十八

孝行

四

長執杖當之母子俱得全人問石長何以不懼曰時止知有母耳

鍾祖錫字爾蕃岑溪人雍正癸卯舉人善屬文淹通經術性孝友問寢視膳必躬必親父年八十餘患痢祖錫扶持便溺衣不解帶醫一不驗輒呼天痛哭訓子嚴而有方視弟姪與已子同睦姍任卹貧乏多賴以舉火人咸德之

人物志

忠義

漢

賈雍蒼梧人漢武帝時爲豫章太守負勇畧出界討賊爲賊所殺去頭躍上馬還營營中咸驚走來視雍雍胸中作語曰諸君視我有頭爲佳無頭佳乎衆泣曰有頭佳雍曰不然無頭亦佳言畢始仆祀忠義

衡毅蒼梧人負勇畧與同郡錢博皆爲郡太守長沙吳巨所信用建安中天下大亂荊州牧劉表以

梧州府志

卷之十八

忠義

聖

賴恭爲交州刺史孫權以步騭爲交州刺史巨逐恭奔零陵騭將至使人諭巨巨欲納騭而後圖之與都督區景謀騭得狀乃召二人計事斬之遂治舟艦合兵二萬下取南海毅與博念巨部曲舊恩且騭之來非漢命也乃以兵逆騭於高要峽與戰騭幾敗會兵少却騭乘之遂潰毅與衆千餘人皆赴水死無一降者祀忠義

宋

潘盎蒼梧人常儒服持一大翼行坐獨語相傳盎能先知儂智高陷邕乘勝至梧聞盎名召問曰君

視吾形貌有異乎盍曰賊耳何異也又曰梧城何
日可下曰經年亦不下復問吾欲奄有嶺海長王
南表何如曰殄滅不久何王之有智高大怒遂害
之盍不爲改容

明

覃聰容縣人洪武間授百戶每擊賊奮勇爲諸士
先廉州所印爲賊擄去聰奉調追賊以計奪印還
復與戰力屈死之祀忠義

宋欽蒼梧人永樂十五年領鄉薦入太學授戶部
主事陞郎中建白多經國善計陞湖廣右叅議正

梧州府志

卷之十八

忠義

聖

統十四年鹿川亂朝廷遣靖遠伯王驥征之以欽
督餉欽不避艱險軍餉不乏乘小桐槽往安洪等
江次盧溪與賊遇欽率隸兵迎敵厲聲數其惡詞
氣壯烈賊懼不敢害陞廣東右布政使未幾改授
江西晉湖廣左布政使時苗寇作逆悉心經畫寇
平遂致仕歸天順六年寇陷梧城欽率郡人力戰
死之祀忠義

蘇恣懷集人宣德七年鄉試第一任靖州守與水
利修學校視民如子正統間苗賊流劫至七里陂
將襲州城恣率民兵五百人與戰衆寡不敵死之

州民哀思不置宏治初知州伍璣疏其事詔立祠於懷祀鄉賢

朱裳懷集守禦所百戶以智勇聞隆慶二年山賊陳龍洲猖獗劫掠縣境裳率軍兵截捕力戰於塔山麓殺賊甚衆援兵不至死之四年楊僉憲文明遣官特祭表其門曰旌揚忠義

王瀏懷所百夫長也嘉靖四十三年山賊掠鄉村圍歐馬二寨勢正危急瀏帶官兵奮勇與戰賊敗遯不敢再出撫院獎之曰提兵三百敗賊一千瀏老疾仍准給全俸優養終其身

梧州府志

卷之十八

忠義

三

李廷鸞蒼梧人上海周昇爲巡檢夫妻繼歿未幾子敏及婦廖氏孫賢能相繼亡僅遺幼孫長壽廷鸞憫之同官唐子高周璧共籍所餘貲二百金寄廷鸞家忽被賊妹京娘爲賊殺廷鸞歸哭妹且幸昇遺貲尚在急出示唐周二入遂移長壽至家同居以已子畜之經數年僉事上海袁凱聞其事召長壽至細詢之因留官舍嘉勞廷鸞曰義士良厚且苦吾有甥女可妻長壽汝勿慮周氏無種矣仍禮送廷鸞還其家

國朝

張爾修字遠塵蒼梧人父志以軍功得世襲指揮
僉事早卒修天性至孝以力養母苦志讀書爲鄉
閭所重康熙十三年逆叛蜂起避亂岑溪城陷修
絕粒死邑人憐之

覃海芳岑溪縣人充永業鄉練總鄧老李則七山
猺練鄧雙頂鄧廷華則老李姪也康熙乙未十月
盜劫藤縣地麻坡過岑溪海芳卽率鄉勇要截殺
二賊途遇老李及六山猺練覃法滿遂合兵追賊
賊退屯蓮塘以待之相持三日海芳謀曰明日目
送賊去我退賊必復來地方何日得寧我前誘賊

梧州府志

卷之十八

忠義

四

賊必吾追爾於兩山伏弩射之蔑不勝矣老李曰
諾海芳背腹受敵法滿畏走老李馳救賊攢矛刺
之雙頂廷華大呼直入賊圍之數重遂同時被害

通志

盧肇華容縣人崇禎間爲清縣令甚著賢聲會致
仕清士民送至容邑者八十餘人康熙己酉土寇
彭奇構亂從華門過華逆而喻止之盛陳利害不
聽忿極乃肆辱詈遂遇害

通志

羅天業岑溪人少力學補博士弟子員慨慷有志
畧康熙八年馮彭寇侵岑境時知縣劉昌言城守

徐國才典史蔡鵬擊退之賊衆猶負固將復出肆
害天業曰不翦其魁亂未已也計誘賊黨李勝高
爲內應擒馮四彭奇械府斬之餘黨解散賊遂除
見岑邑
大事志

按岑雖小邑而儒生輒擅韜畧豈山川磊落之
氣有所獨鍾而平日師友講求於忠義名節間
者固有素與若羅秀才李舉人高貢生何其炳
煥青史也

蒙君祐蒼梧多賢人爲諸生有聲康熙十年初

令天下選士貢成均君祐以文學優等膺選十三年僞

梧州府志

卷之十八

忠義

星

總兵緱成德陷梧州遍招土寇構亂爲羽翼富川
寇周君道聚賊多賢山崗四出剽掠多潯各鄉被
害君祐練集鄉兵計擒其嚮導七人合兩鄉民擊
退之寇畏其鋒十二月十三日夜潛至思委崗縱
火焚其宅十六日君祐請於城守屈大法遣千總
謝詔領兵三百人合鄉兵百人擊賊已刻兵至下
郢時周寇糾衆三千餘又賊黨何定勇率衆千餘
自富川來會于吳崗將大掠八城以助逆燄君祐
謂詔兵勢不相敵乘其未備而擊之賊必亂稍緩
必無濟矣卽乘夜八山黎明已逼峒發礮衝擊衆

兵大喊奮殺賊倉卒不知所爲斬數百人賊四散
奔潰自相踐踏及墜岩谷死者不可勝計寇遂息
總督金光祖極嘉獎署君祐都司率鄉兵資扞禦
明年總督親率兵至梧大破緱成德走之及大將
軍傅弘烈至梧一見君祐卽引爲入幕仍以都司
銜襄戎事十五年攻敗僞將軍趙天元王邦相等
收復梧州十八年擊走吳世琮君祐大顯謀略王
秉忠者逆寇黨也諸敗寇銜君祐切齒事平後君
祐歸里不爲備王秉忠潛匿村中乘隙刺傷君祐
竟死傅將軍方會議南剿聞君祐死痛哭之立發

梧州府志

卷之十八

忠義

吳

兵圍行刺者屠其家

按蒼梧蒙貢生與岑溪高貢生可稱一時雙傑
鄱陽馬氏所謂被介冑者不識簡編司文墨者
不知戰陣由是觀之安在人材之千古若哉高
雖淹蹇寒氊而卒能致身通顯蒙君不死其勳
名赫奕正未可量也惜哉

